



INTERNATIONAL UNIVERSITY OF SARAJEVO
INTERNACIONALNI UNIVERZITET U SARAJEVU



AKADEMSKA 2026-2027 GODINA ŠKOLA ENGLESKOG JEZIKA (ELS)

PRIRUČNIK ZA STUDENTE



INTERNATIONAL UNIVERSITY OF SARAJEVO
INTERNACIONALNI UNIVERZITET U SARAJEVU

1. ZAHTEVI/USLOVI ZA POZNAVANJE ENGLESKOG JEZIKA PRI UPISU NA UNIVERZITET

Jezik izvođenja nastave i komunikacije na IUS-u je engleski. Svaki student mora dokazati poznavanje engleskog jezika na najmanje B2 nivou kako bi mogao započeti studij na fakultetu. Sve informacije o potrebnoj dokumentaciji kojom se potvrđuje znanje engleskog jezika dostupne su na linku ispod.

<https://els.ius.edu.ba/en/ius-language-proficiency>

2. PROGRAM ENGLESKOG JEZIKA U ŠKOLI ENGLESKOG JEZIKA (ELS)

A. TRAJANJE PROGRAMA I NIVOI

Prije početka studija, studenti su obavezni polagati Preliminarni (Placement) test in engleskog jezika. Na osnovu rezultata, raspoređuju se na odgovarajući nivo (A1, A2, B1 ili B2).

Studenti koji ostvare 75 ili više bodova na ovom ispitu imaju pravo da polažu ELS Završni ispit (Proficiency Exam). Nakon što uspješno polože, mogu započeti svoje studije na fakultetu.

U okviru Škole engleskog jezika (ELS u nastavku), student mogu savladati četiri nivoa tokom jedne akademske godine, pri čemu svaki nivo traje približno dva mjeseca. Akademske kalendar ELS-a, koji obuhvata datume početka i završetka nivoa, termine ispita, akademske pauze i ostale ključne datume, dostupan je putem priloženog linka.

[ELS Akademske kalendar](#)

Studenti koji ne uspiju savladati ELS program do nivoa B2 u toku jedne akademske godine (osim studenata koji izgubili univerzitetski status zbog izostanaka ili akademskog neuspjeha) imaju mogućnost da nastave ELS program u narednoj akademskoj godini.

B. FORMIRANE RAZREDA

Prilikom formiranja grupa/razreda u ELS-u, posebna pažnja posvećuje se uravnoteženosti akademskog nivoa, jednakosti spolova, te ravnomjernoj raspodjeli studenata iz različitih zemalja, budući da su ovi elementi od ključnog značaja za cjelokupan uspjeh grupe. Budući da se raspoređivanje vrši prema ovim kriterijima, **zahtjevi za promjenu grupe se ne prihvataju**. Promjena razreda može uticati na pažljivo uspostavljenu ravnotežu i dovesti do administrativnih i akademskih poteškoća, što bi se u konačnici moglo odraziti i na kvalitet nastavnog procesa.

C. BROJ NASTAVNIH SATI SEDMIČNO

U ELS-u studenti imaju 24 sata nastave sedmično, raspoređenih tokom pet dana. Detaljan raspored i termini časova dostavljaju se studentima na početku svakog nivoa.



D. UDŽBENICI

Studenti su dužni preuzeti svoje udžbenike tokom prve sedmice svakog polusemestra (session), uz potpis. Studenti koji poslije prve sedmice dođu na nastavu bez svojih udžbenika, neće moći prisustvovati časovima. Fotokopirane ili ispisane knjige (polovne) nisu dozvoljene. Svaki nivo također uključuje dodatne materijale namijenjene unapređenju vještina čitanja, pisanja, slušanja i govora. Studentima koji ponavljaju nivo može biti dodijeljen drugačiji set udžbenika, kako bi se bolje podržao njihov proces učenja.

3. SISTEM OCJENJIVANJA I EVALUACIJE

- Minimalna prolazna ocjena za svaki nivo iznosi **65** od ukupno 100 bodova. Studenti koji ne ostvare ovaj rezultat moraju ponavljati isti nivo.

Studenti koji **ne polože** isti nivo tri puta zaredom bit će isključeni s Univerziteta i izgubit će pravo pohađanja nastave i polaganja ispita na ELS-u. Međutim, ti studenti mogu ponovo upisati Univerzitet ako dostave dokaz o postignutom minimalnom rezultatu na TOEFL iBT testu koji Univerzitet priznaje. (za više informacija molimo posjetite <https://els.ius.edu.ba/bs/ius-language-proficiency>)

A. PREGLED BODOVA IZ RAZLIČITIH KOMPONENATA

KVIZOVI	10 bodova
TEST IZ SAMOSTALNOG ČITANJA	10 bodova
MIDTERM ISPIT	30 bodova
FINALI ISPIT	40 bodova
ZADATE AKTIVNOSTI (ASSIGNMENTS)	5 bodova
PRISUSTVO	5 bodova
UKUPNO	100 bodova

B. KVIZOVI (10 BODOVA)

Prosječna ocjena za sve sedmične kvizove iznosi 10 bodova. Ovi kvizovi se zasnivaju na temama obrađenim na časovima za taj nivo. Studenti koji izostanu sa kviza dobit će ocjenu „0“ za taj kviz i neće moći nadoknaditi propušteni kviz. Ako student ima odobren izostanak u skladu sa pravilima prisustva (Odeljak 4), propušteni kviz neće utjecati na njihov prosjek.

C. TEST IZ SAMOSTALNOG ČITANJA (10 BODOVA)

Na početku svakog nivoa studentima se dodjeljuje lektira za samostalno čitanje, prilagođena njihovom nivou. Studenti polažu test iz lektire koji nosi maksimalno 10 bodova.

D. MIDTERM ISPIT (30 BODOVA)

Midterm ispit se održava na polovini svakog polusemestra i sastoji se od 3 dijela: čitanje-Reading, pisanje-Writing i slušanje-Listening. Svaka komponenta nosi 10 bodova.



E. FINALI ISPIT (40 BODOVA)

Finalni ispit koji se održava na kraju svakog polusemestra, sastoji se od 4 dijela: čitanje-Reading, pisanje- Writing, slušanje-Listening i govor -Speaking. Svaka komponenta nosi 10 bodova.

F. ZADATE AKTIVNOSTI - ASSIGNMENTS (5 BODOVA)

Na kraju svakog polusemestra, ocjenjuju se svi radni zadaci koje su studenti predali tokom tog perioda. Redovno obavljanje i ocjenjivanje radnih zadataka važno je za praćenje napretka i postizanja boljih rezultata.

G. PRISUSTVO (5 BODOVA)

Prisustvo na ELS-u je obavezno. Studenti su obavezni prisustvovati najmanje 85% časova. Prisustvo se evidentira na svakom času i bilježi prema tabeli ispod. Studenti se na kraju polusemestra nagrađuju bodovima (od 0 do maksimalno 5 bodova) za prisustvo tokom polusemestra.

Broj izostanaka	Bodovi
0	5
1 – 5 sati odsustva	4.5
6 - 10 sati odsustva	4
11 - 15 sati odsustva	3.5
16 - 20 sati odsustva	3
21 - 25 sati odsustva	2
26 - 30 sati odsustva	1
Preko 31 sat odsustva	0

H. ELS ZAVRŠNI (PROFICIENCY) ISPIT

Na kraju svakog nivoa polaže se ELS Završni (Proficiency) ispit. Završni ispit sastoji se od četiri dijela: čitanje, pisanje, slušanje i govor. Svaki dio nosi 25 bodova. Minimalni prolazni rezultat za Završni ispit nalazi se na sljedećem linku: <https://els.ius.edu.ba/bs/ius-language-proficiency>

Studenti koji postignu minimalne rezultate navedene na gornjem linku imaju pravo započeti studij na IUS-u. Rezultati ELS Proficiency ispita važe dvije godine; rezultati stariji od dvije godine neće biti prihvaćeni.

- Studenti koji završe B2 nivo sa rezultatom od 65 do 74 boda obavezni su položiti ELS Proficiency ispit na kraju nivoa.
- Studenti koji završe B2 nivo sa 75 bodova ili više (**osim studenata u programima dvojne diplome, master i doktorskih programa**) oslobođeni su polaganja ELS Proficiency ispita i mogu direktno započeti studij na fakultetu.
- Studenti koji završe B2 nivo imaju pravo polagati ELS Proficiency ispit najviše četiri puta. Prvi ELS Proficiency ispit polažu na kraju polusemestra u kojoj završavaju B2 nivo. Ako polože ispit, stiču pravo da

započnu akademski kurs. Ukoliko ne polože ispit, imaju pravo na **još tri pokušaja do kraja naredne akademske godine.**

- Studenti koji završe B2 nivo u akademskoj godini u kojoj su upisani, ali ne polože ELS Proficiency ispit, imaju pravo da se upišu i ponove B2 nivo još samo jednom, najkasnije **do kraja naredne akademske godine.**
- Studenti koji završe B2 nivo, ali ne polože ELS Proficiency ispit u svoja četiri pokušaja, mogu započeti akademski kurs ukoliko dostave prolazne TOEFL iBT rezultate priznate od strane Univerziteta. (Molimo da pročitate: [IUS Language Proficiency](#))
- Studenti koji završe **B1 nivo** sa 80 bodova ili više takođe imaju pravo polagati ELS Proficiency ispit. Ako polože ispit, nisu obavezni pohađati B2 nivo i mogu odmah započeti akademski program. Ukoliko ne polože ELS Proficiency ispit, moraju pohađati B2 nivo.
- Studenti koji ne završe nivo B2 u roku od dvije akademske godine (izuzimajući studente kojima je upis prekinut zbog izostanaka ili neispunjavanja akademskih obaveza) mogu pristupiti ELS Proficiency ispitu najviše četiri puta, zaključno s krajem naredne akademske godine (odnosno treće godine od prvog upisa), bez obzira na nivo koji su posljednji uspješno završili. Ovi studenti mogu pristupiti bilo koja četiri ispitna roka koji se održavaju do kraja naredne akademske godine; ispiti ne moraju biti održani uzastopno. Za svaku prijavu ELS Proficiency ispita plaća se odgovarajuća naknada.

4. INFORMACIJE O PRISUSTVU NA ČASOVIMA

- Studenti koji imaju više od 15 % (30 sati) izostanaka **ne smiju pristupiti Finalnom ispitu.** U tom slučaju, smatra se da nisu položili nivo zbog izostanaka i moraju ga ponoviti. U ljetnoj školi, dozvoljeni broj izostanaka može varirati ovisno o trajanju programa.
- Studenti koji **dva puta u jednoj akademskoj godini ne polože nivo zbog izostanaka** (ne nužno u uzastopnim polusemestrima) biće isključeni sa Univerziteta i neće im biti dozvoljen ponovni upis na IUS.
- **Limit od 15 % izostanaka (30 sati)** studenti mogu koristiti u slučajevima bolesti, posjete ljekaru, pojedinačno dogovorenih pravnih obaveza (konzulati, boravišne dozvole, policijske obaveze i sl.), traženja stana ili preseljenja.
- Dnevna ili satna odsustva sa nastave ne mogu se opravdati ni na koji način. S toga se u ovakvim slučajevima ne prihvataju ljekarska uvjerenja ili medicinska mišljenja od bilo kojeg ljekara ili klinike.
- Svaki student je dužan pratiti svoje izostanke i evidenciju prisustva putem IUS Studentskog informacionog sisitema (SIS).
- **ELS profesori i administracija ne mogu odobriti izostanak sa časa iz bilo kojeg razloga. Studenti sami odlučuju hoće li prisustvovati nastavi ili ne.**

ISPRIČNICE/OPRAVDANJA KOJA UNIVERZITET MOŽE PRIHVATITI

- Univerzitet priznaje ljekarske potvrde izdate od strane **državnih bolnica za izostanke od 10** ili više uzastopnih dana zbog operacije, dugotrajne ili zarazne bolesti, nesreće i sličnih razloga.
- Potvrde ili nalazi iz privatnih bolnica, klinika, od privatnih doktora ili stomatologa nisu prihvatljivi.



- Ljekarske potvrde iz **državnih bolnica** moraju biti dostavljene ELS administraciji **najkasnije 3 radna dana nakon posljednjeg dana navedenog u potvrdi**. Uz potvrdu, student treba priložiti i pismenu molbu upućenu ELS administraciji. Ako je za liječenje potrebno putovanje u inostranstvo, student mora priložiti dokaze o putovanju u tom periodu. Dokumenti dostavljeni nakon roka, neće se uzimati u obzir. U ljekarskoj potvrdi važi datum koje je odredila bolnička administracija, a ne datum naveden u zahtjevu koji je podnio student.
- Ljekarske potvrde za izostanke kraće od 10 uzastopnih dana neće se uzimati u obzir. U takvim slučajevima studenti moraju koristiti svoj dozvoljeni limit za izostanke (15 %).
- Studentima koji izgube bliskog člana porodice –prvog stepena (roditelj, dijete, brat ili sestra) odobrava se 5 radnih dana odsustva, uz podnošenje pismenog zahtjeva i odgovarajuće dokumentacije ELS administraciji.
- Studenti koji iz opravdanih razloga ne mogu prisustvovati nastavi—poput otkazanih ili odloženih letova, prirodnih nepogoda u svojoj zemlji, neočekivanih problema u prevozu i sl.—mogu podnijeti pismeni zahtjev uz prateći dokaz ELS administraciji najkasnije tri dana nakon dolaska u zemlju.

Kvizovi ili ispiti održani tokom odsustva studenata zbog navedenih opravdanih razloga neće negativno utjecati na njihov prosjek bodova ili ocjenu za nivo.

5. PRAVILA KOJA TREBA POŠTOVATI TOKOM NASTAVE I ISPITA

A. PRAVILA KOJA TREBA POŠTOVATI TOKOM NASTAVE

- Mobilni telefoni se tokom nastave smiju koristiti isključivo u obrazovne svrhe, kao što je upotrebe rječnika. Studenti ne smiju slati poruke, obavljati pozive, koristiti društvene mreže ili igrati igrice tokom časa. Nepropisna upotreba telefona može narušiti disciplinu u učionici i negativno utjecati na koncentraciju i aktivno učešće, stoga se od studenata očekuje da ih koriste odgovorno i promišljeno.
- Ako student koristi telefon u lične svrhe, osim za rječnik i/ili učenje engleskog, profesor će ga upozoriti. Ukoliko student ignoriše upozorenje i nastavi koristiti telefon, profesor ima pravo zamoliti studenta da napusti čas. **U tom slučaju, student se evidentira kao odsutan sa tog časa.**
- Studenti moraju dolaziti na časove pripremljeni sa svim potrebnim materijalima (udžbenici, sveske, olovke/hemijske, gumice i sl.). Nakon prve sedmice, studenti koji i dalje nemaju udžbenike, neće moći prisustvovati nastavi.
- Studenti mogu zakasniti najviše 5 minuta na čas, ali će biti evidentirani sa L (LATE-kašnjenje). Ako zakasne više od 5 minuta, neće moći prisustvovati času i bit će označeni sa X (ABSENT-odsutan). Dva kašnjenja u toku jedne sedmice računaju se kao jedno odsustvo (X) i kao takvo se evidentira u SIS.



B. PRAVILA KOJA TREBA POŠTOVATI TOKOM ISPITA (SVIH KVIZOVA, TESTOVA I ISPITA U ELS-U)

Prepisivanje i plagijat (neovlašteno korištenje tuđeg rada) za vrijeme ispita predstavljaju ozbiljan akademski prekršaj. Ispitni radovi studenata koji budu uhvaćeni u prepisivanju bit će oduzeti, a administracija ELS-a obaviještena radi pokretanja disciplinskog postupka. Dijelovi ispita kod kojih se utvrdi plagijat, dobijaju ocjenu „0“.

Prije ispita

- Studenti moraju donijeti važeću identifikacionu ispravu sa novijom fotografijom. **Jedine prihvatljive isprave su IUS studentske kartice, pasoši, lične karte i vozačke dozvole.**
- Studenti moraju ponijeti olovke, gumice, šiljala i drugi potreban pribor za ispit. Tokom ispita nije dozvoljeno razmjenjivanje pribora među studentima.
- Pisanje ili pravljenje bilješki na stolovima prije ili tokom ispita strogo je zabranjeno. Svaki student kod koga se primijete zabilješke na stolu smatraće se da pokušava varati.
- Studenti moraju isključiti mobilne telefone i pametne satove prije početka ispita. ELS supervizor ispita će ih prikupiti i čuvati na svom stolu za vrijeme ispita.

Za vrijeme ispita

- Studenti moraju ispuniti polja “Ime i Prezime” i “Studentski Broj” isključivo HEMIJSKOM OLOVKOM.
- Studentima nije dozvoljeno napuštati ispitnu salu u prvih 20 minuta od početka ispita.
- Studentima nije dozvoljen ulazak u ispitnu salu nakon prvih 20 minuta od početka ispita, te time gube pravo da polažu taj ispit.
- Ako u ispitnoj sali ostanu samo dva studenta, onaj koji prvi završi ispit mora ostati u sali dok i drugi student ne preda svoj rad.
- Studentima nije dozvoljeno napuštati ispitnu salu ni iz jednog razloga, uključujući odlazak u toalet. Svako napuštanje sale smatraće se završetkom ispita za tog studenta.
- Upotreba štampanih i elektronskih rječnika, digitrona ili bilo kakavih drugih pomoćnih materijala tokom ispita strogo je zabranjena.
- Za vrijeme ispita, studentima nije dozvoljeno da na stolu imaju bilo što osim ispitnog rada, pribora poput olovki i gumica, (npr. udžbenici, sveske, rječnici i sl. nisu dozvoljeni).

6. ELS LJETNA ŠKOLA

- Program ljetne škole ELS-a omogućava studentima koji nisu uspjeli završiti ELS program tokom akademske godine da ga završe ljeti i započnu akademske kurseve na jesen. Zbog toga je program dostupan samo studentima B1 i B2 nivoa.
- Studenti ljetne škole ELS-a podliježu istim akademskim i administrativnim pravilima koja su važila tokom prethodnih polusemestara u ELS-u.
- Detalji programa ljetne škole ELS-a (cijena, datumi i sl.) obično se objavljuju u maju. Stipendirani studenti su također obavezni izvršiti uplatu za Ljetnu školu.

7. PROGRAM AKADEMSKE PODRŠKE U ELS-U

Studenti ELS-a koji imaju poteškoće na bilo kojem nivou mogu dobiti akademsku podršku kroz različite oblike pomoći. ELS Centar za akademsku podršku pruža sljedeće usluge:

1. ELS EDUKACIJSKI KONSULTANT - PODRŠKA STUDENTIMA

Edukacijski konsultant u ELS Centru za akademsku podršku priprema i nadgleda individualizirane programe učenja za studente ELS-a. Također, konsultant studentima pruža informacije o relevantnim materijalima koje mogu koristiti za dodatno vježbanje i jačanje kompetencija u područjima koja zahtijevaju poboljšanje, te im pomaže da se prilagode ELS sistemu i bolje se pripreme za ispite.

2. DOPUNSKI ČASOVI (REMEDIAL CLASSES) NA SVAKOM NIVOU (A1, A2, B1 I B2)

Dopunski časovi se organizuju sedmično za studente ELS-a. Tokom tih časova studenti ponavljaju gradivo iz prethodne sedmice i dobijaju individualnu pomoć nastavnika iz gradiva koje nisu dovoljno savladali.

3. POJEDINAČNE KONSULTACIJE ZA ELS PROFESORIMA

Studenti ELS-a mogu zakazati individualne konsultacije s profesorima izvan redovne nastave kako bi dobili dodatnu podršku u gradivu koje nisu savladali. Termini za ove konsultacije istaknuti su na vratima kancelarija svih profesora.

4. PROGRAM VRŠNJAČKE AKADEMSKE PODRŠKE (STUDY-BUDDY PROGRAM)

U okviru "Study-Buddy" programa, studenti IUS-a pomažu ELS studentima u savladavanju tema koje im predstavljaju poteškoće. Tokom ovih sesija, studenti ponavljaju gradivo iz te sedmice i vježbaju za ispite. Studenti zainteresovani za učešće u Study-Buddy programu mogu se prijaviti putem Centra za akademsku podršku.

5. KONVERZACIJSKE VJEŽBE SA IZVORNIM GOVORNICIMA ENGLESKOG JEZIKA SA IUS-A

Studenti iz različitih zemalja studiraju na IUS-u. Studenti kojima je engleski maternji jezik mogu se sedmično uključiti u konverzacijske vježbe sa ELS studentima.

6. RADIONICE I SEMINARI

Edukacijski konsultant i profesori ELS-a organizuju radionice i seminare za svoje kolege, s ciljem obrade tema koje pružaju podršku studentima.



ČESTO POSTAVLJENA PITANJA

1. Koji je prosječan broj studenata u razredu?

U svakom razredu nalazi se otprilike 15 do 20 studenata.

2. Da li je polaganje ELS preliminarnog (Placement) testa obavezno za apsolutne početnike u engleskom?

Ne. Apsolutni početnici nisu obavezni polagati ELS Placement test.

3. Koliko profesora imam u jednom polusemestru?

Svaka grupa ima najmanje dva, a najviše četiri nastavnika.

4. Kako mogu provjeriti broj izostanaka sa nastave?

Evidencija prisustva unosi se u IUS Studentski informacijski sistem (SIS) svake sedmice, što vam omogućava da pratite svoja odsustva u sistemu.

5. Kako mogu saznati rezultate svojih ELS ispita?

Detaljni rezultati Midterm ispita i prosjek kvizova objavljuju se na oglasnoj ploči u svakoj učionici. Rezultate Finalnog i Proficiency ispita možete provjeriti u Studentskom informacijskom sistemu (SIS).

6. Mogu li pregledati svoje ispitne radove? Mogu li zatražiti ponovno ocjenjivanje svog ispita?

Studenti koji žele pregledati svoje radove sa Midterm ispita mogu to učiniti u vrijeme i na mjestu koje objavi administracija ELS-a. Pri pregledu ispitnih radova, prioritet imaju studenti koji su na ispitu postigli rezultat ispod određenog praga. Studenti koji ne polože Finalni ili Proficiency ispit mogu se pojedinačno obratiti administraciji ELS-a za pregled svojih radova tokom sedmice nakon objave rezultata ispita. Pregled vrši zamjenik direktora. Nakon pregleda, studenti koji se ne slažu s ocjenom mogu podnijeti pisani zahtjev administraciji ELS-a za ponovno ocjenjivanje svog ispita.

7. Kada se moj ispit pregleda i otkrije se greška, hoće li moja ocjena biti ispravljena?

Ako se u pregledu ispitnog rada otkrije greška koja utiče na rezultat, zamjenik direktora nadležan za akademska pitanja vrši potrebne ispravke, a izmijenjeni rezultat se evidentira u sistemu.

8. Kako da dobijem IUS studentsku email adresu?

Uputstva za postavljanje IUS studentske email adrese dobit ćete od IUS IT odjela. Ova uputstva biće poslana na email adresu koju ste naveli prilikom registracije/upisa na IUS. Za aktivaciju naloga u Studentskom informacijskom sistemu (SIS) i MS Teamsu biće vam potrebna IUS studentska email adresa.

9. Šta je studentski informacijski sistem (SIS) i zašto mi je potreban?

Nakon registracije na IUS-u, svaki student dobija pristup Studentskom informacijskom sistemu (SIS). Sistem se može koristiti putem linka <http://sis.ius.edu.ba>. Služba za studentska pitanja (SAO) svim studentima dodjeljuje lično korisničko ime i lozinku. Kroz SIS možete pratiti svoje izostanke i završne ocjene na ELS-u, kao i obavljati sve zvanične univerzitetske procedure. Za bilo kakvu pomoć u vezi sa SIS-om možete se obratiti Službi za studentska pitanja- SAO.



10. Zašto mi je potreban MS TEAMS nalog?

Administracija ELS-a dijeli sve relevantne informacije o vašem programu i ispitima putem grupa za objave na MS Teams platformi. Profesori koji vam predaju također kreiraju MS Teams grupu za vaš razred i u tim grupama zadaju domaće zadatke, dijele obavještenja, materijale i ispravke na vaše radove. Vaša je odgovornost pratiti ove grupe, predavati sve zadate radove i biti informisani o pitanjima vezanim za nastavu i ispite. Ukoliko vam je potrebna bilo kakva podrška za MS Teams, možete se obratiti IT odjelu.

11. Kako da komuniciram sa ELS administracijom i profesorima?

S administracijom ELS-a i vašim profesorima možete komunicirati isključivo putem svoje studentske email adrese ili platforme MS Teams, u toku radnog vremena radnim danima. Iz tog razloga, prva stvar koju treba da uradite je da aktivirate svoju studentsku email adresu. Molimo vas da upite vezane za nastavu, ispite ili slične teme ne šaljete putem društvenih mreža.

12. Kako da dobijem svoju IUS studentsku karticu i zašto mi je potrebna?

Studentsku karticu možete preuzeti lično u Službi za studentska pitanja (SAO). Ista vam je neophodna radi ulaska u Kampus, a takođe ćete biti obavezni da je pokažete prilikom polaganja ispita.

13. Da li je stranom studentu u BiH potrebna boravišna dozvola?

Da. Vaša je odgovornost da kompletirate svu papirologiju koju zahtijeva lokalna vlast. Kašnjenje s podnošenjem zahtjeva može dovesti do ozbiljnih posljedica, uključujući novčane kazne i/ili deportaciju.

14. Koji odjel na IUS-u je nadležan za pitanja boravišne dozvole?

Za pitanja vezana za boravišne dozvole nadležan je Odjel za vize pri Kancelariji za međunarodne odnose (IRO). Potrebno je da ovoj kancelariji predate sve neophodne dokumente. Možete ih kontaktirati putem visa@ius.edu.ba.

15. Kako mogu podnijeti zahtjev za status mirovanja/dormant status u ELS/IUS?

Potrebno je da se obratite Službi za studentska pitanja (SAO) kako biste aktivirali status mirovanja.

16. Kod koga se mogu konsultovati u vezi sa mojom školarinom, produženju ugovora, ispitnim taksama i sl.?

Potrebno je da se konsultujete za Odjelom za finansije finance@ius.edu.ba ili istanbulskim uredom iusistanbul@ius.edu.ba (za studente iz Turske).

17. Gdje mogu preuzeti svoj ELS sertifikat?

Certifikat možete preuzeti u administraciji ELS-a. Dokument će biti pripremljen u roku od 5 radnih dana nakon podnošenja zahtjeva.